



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

16177

HN 5XWA Y

~~165.141~~ KC16177



**Harvard College Library.**

---

**THE PARKMAN COLLECTION.**

**BEQUEATHED BY**

**FRANCIS PARKMAN,**  
(H. C. 1844).

*Received For*





*F. Parleman*

ANIC. MANL. TORQ. SEVER.

**B O E T H I I**

**DE CONSOLATIONE**


**PHILOSOPHIÆ**

---

**P A R S P R I M A.**

---

March 1st 1892







ANIC. MANL. TORQ. SEVER.

B O E T H I I  
DE CONSOLATIONE  
PHILOSOPHIÆ  
LIBRI QUINQUE.

*Receussit, emendavit, edidit,*

J O H A N. E R E M I T A.

*Jean François Duboué de Saint-Fam.*

P A R I S I I S,

Sumptibus L A M Y, Bibliopolæ, ad  
ripam Augustinianorum.

---

M. DCC. LXXXIII.

KC16177

~~865.111~~

Harvard College Library.

Bequest of

FRANCIS PAREMAN.

17 JAN 1894

---

LECTORI SAPIENTIÆ  
STUDIOSO.

*AL*IQVOD operæ pretium fa-  
cturus credidi, lector erudite, si  
quem in conferendis emendandis-  
que Boethii de Consolatione Phi-  
losophicæ libris laborem insumpsi,  
juris eum publici facerem, tuo-  
que utendum arbitrio permitte-  
rem. Cùm autem id à me sus-  
ceptum laboris est, non hoc ha-  
bui propositum, ut laboriosâ ac  
sterili commentariorum, ani-  
madversionum, variarumque le-

*Aionum farragine parvæ molis  
opus in ingentem cresceret. Hoc  
tantum volui, ut, philosophici  
hujus operis aliquot inter se col-  
latis editionibus, Nurembergensē  
præsertim anno 1476 ab Ant.  
Koburger publicatâ, quantum  
fieri potuit accuratâ, nitidâque  
cômpta charactere, citrà fucum  
omnem prodiret hæc nostra, for-  
mâque idè contractâ breviori,  
ut quotidianis ille tuis possit us-  
bus inservire, qui tuas in ætate  
virili facturus est delicias & in  
senectute solatium. Deerat certè*

*huic tam insigni viro nobile hoc  
habitæ apud posteros memoriæ  
monumentum ; neque sapientiæ  
stantem à partibus debuit cura  
levis tangere , cum , neglectis ve-  
terum scriptis utilibus , tot inter  
nos adeò futilia , fructumque nul-  
lum ferentia , tanto typorum ap-  
paratu chartarumque luxu cons-  
picua vulgarentur. Quorum sanè  
partem aliquam meruit author  
reverendus : non eam tamen quæ  
putribus Romanensium , Elegia-  
rum ; Idylliorum ; Bassorum &  
Hortulorum ineptiis decus affert.*

*vacuum ; sed eam quæ Philo-  
sophiæ servat ac decet majestatem.  
Hoc ergò simplici quidem , at  
mundo , vestitus habitu scriptor  
mundissimus tuos hodiè , lector  
erudite , sollicitat oculos , ardet-  
que felicem illam suam tuis ani-  
mis instillare sapientiam. Non  
ad te venit fastosi sub umbrâ  
nominis : suos sibi satis esse titu-  
los persuasus , petitum extrâ se  
splendorem non curat , in hoc  
uno sollicitus , ut facilem doci-  
lemque audientis aurem inveniat.  
Neque profectò opportuniori tem-*

*poris articulo potuit in lucem  
 denuò prodire , & tanquam à tu-  
 mulo surgere , Philosophus ille  
 noster , quàm in eâ sæculi verti-  
 gine , cùm , neglectis honestis om-  
 nibus quæ sola nobis vitam hanc  
 optabilem possunt efficere , vili &  
 - egeno metallo omnes omnium vul-  
 tus inhiant & animi ; cùm vel  
 maximis opibus fides nulla sit re-  
 liqua , opulentiamque summam  
 egestas summa comitetur ; cùm in-  
 sana libidinum cupiditas eò us-  
 que sæviat , ut maxima pars ho-  
 minum , plenam desideriis suis*



*datura licentiam, fortunarum  
suarum non vereatur facere peri-  
culum, sortisque aleam instabi-  
lem experiri; cum in hoc uno  
sint occupati, ut res alienum  
quoquo modo contrahant datam  
scriptisque obligatam creditori-  
bus fidem fraudaturi; denique,  
quod infortunii deploratissimum  
genus est, cum ad id angustia-  
rum multi redigantur, ut vio-  
lentas sibi manus inferre seque  
de medio tollere cogantur, cum  
à pristino fortunæ statu dejecti  
tristem paupertatis conditionem*

ac miseriam simul & existimationis ruinam propinquantem sentiant. Ad Philosophum ergo accede confidenter ; non parva hausurus Philosophicæ documenta. Si fortunæ donis potentem inveniat , quis illorum fit usus , quis honos ; quæ fides habenda docebit : sin contrà sævientem sentias , quæ ab eâ pateris incommoda expertus olim leniet , motus animi pacabit turbidos ; & quem infortunii statum vetera reputando cogitas , vertet in sortem beatitudinis. Hic ab eo quæ

2:  
*vera sit illa cognosces, communique forsan errore delusum animum ab inani perituræ felicitatis umbrâ ad veram diùque duraturam convertet. Legenti tibi veniet sanè desiderium quis tantus fuerit ille vir audiendi. Hoc namque nobis est à naturâ tributum, ut, qui præstant ingenio viri, vultum eorum dum vivunt cupiamus intueri, mores autem ac vitæ instituta, si fato cessisse contigit. Quodd enim suprâ communem hominum conditionem emineant, inde fit ut humanas*

*ſuprà vires ingenii corporiſque  
robur naſcentibus obtigiffe videa-  
tur. Habes itaque præmiſſam ope-  
ri variis à ſcriptoribus excerp-  
tam Boethii vitam, ſed eam in  
compendium redactam, ac in  
præcipuis temporibus occupa-  
tam. Quas autem à Græcis ſump-  
ſit author ſententias, latinâ illas  
ad finem interpretatione donavi-  
mus, ut majori legentium parti  
veniret auxilio. Quam etiam ob  
cauſam non parùm operi utilita-  
tis venturum putavimus, ſi de  
metris Boethianis compendioſa*

*præiret expositio, ut quæ sit  
singuli mensura carminis appa-  
reret. Vale, lector erudite, nos-  
trumque hunc, quisquis ille fit,  
boni laborem consule.*



ANIC. MANL. TORQ. SEVER,

BOETHII VITA

*A Bertio, Martiano Rota, &  
Callyo scriptoribus excerpta,  
& in compendium redacta.*

**A**NICIUS Manlius Severinus Boethius, Romanus, & nobilitate, majorum animique dotibus clarus, lucem tunc hausit temporis, cùm Italia à Barbaris oppressa tenebatur. Natus enim est non ita multis post annis, quàm ab Alarico Roma caperetur, regisque Theodorici

#### xiv BOETHII VITA.

tempestate floruit. Majores habuit Anicios & Manlios, tantæ veteres apud Romanos auctoritatis, paucos ut habuerint pares, superiores certè nullos. Quis namque, vel Romanam historiam leviter admodum edoctus, Manlium illum nesciat, de quo Virgilianum illud memoratur, *scævumque securi aspice Torquatum*. Patre denique usus est *Boethio*, vel, ut à quibusdam scribitur, *Boetho*; quod ei nomen à græcâ voce *βοητής*, h. e. *auxiliator*, derivatum volunt. Duodecim annos natus parentem amisit, puerumque deso-

## BOETHII VITA. xv

latum cura suscepit amicorum,  
 ac Romæ primùm, deinde Athe-  
 nis studuit; qui tantùm in Gram-  
 maticâ, Philosophiâ, Arithme-  
 ticâ, necnon & Mathematicis  
 profecit disciplinis, ut plura non  
 Euclidis solùm & Nicomachi,  
 Pythagoræ, Ptolemæi & Ar-  
 chimedis, verùm Aristotelis  
 etiam opera latinis reddiderit :  
 quos non ut interpretes secutus,  
 alia quædam adjecit sua, quæ &  
 ipsi πολυμαθίαται propria fecisse  
 non sint dedignati. Hæc autem  
 eorum fuisse præludia credide-  
 rim, quæ vir magnus mente  
 magnâ agitabat. Philosophiam



## xvj BOETHII VITA.

enim latinis litteris illustrare constituerat, non ut Varro Stoicam vel Tullius Academicam, sed eam quæ cæteras obscuravit ab Aristotele invec̃tam, & à tot præstantibus ingenio viris tam longè celebratam. Testis illa Boethii Logica, ubi, præter antiquas Porphyrii & Aristotelis opiniones, suam ipsè de *Categoriis*, *Divisione*, *Definitione*, *Syllogismis*, doctrinam proposuit. Testis opus illud in septem partes distributum, quod Varronis exemplò *Hebdomadas* nominavit, in quibus multa docet de eo quod *bonum* est, & *unum*.

BOETHII VITA. xvij

Quin & de Theologis. optimè  
meritus scripsit arduum *de Tri-*  
*nitate* librum; simul & *de duabus*  
*naturis & unâ personâ Christi*  
contrà Nestorium & Eutyche-  
tem, quorum alter duabus in  
Christo naturis personas toti-  
dem adjugebat, alter verò na-  
turam & personam unicam tue-  
batur. Sed quantò doctior Boe-  
thius; tantò majori studio vir-  
tutem coluit, suo erga Deum  
& homines officio functus dili-  
genter. Fuit enim mirâ in Deum  
pietate, singulari in homines,  
miseros præsertim, benevolen-  
tiâ, nec non in pauperes libe-

## **xviiij BOETHII VITA.**

ralis. Propter has animi dotes egregias factum est, ut præcipui in Republicâ viri juvenem ad maxima genitum ambire, & affinitates suas ipsi ultrò offerre voluerint: quos inter vir Consularis, ac Senatûs princeps, filiam suam Elpidem Boethio propriam Festus dicaverit, stabilique connubio junxerit. Fuit autem Elpis ista non probitatis tantum, sed & litterarum famâ celebris, inprimisque Poetices. Inde juvenis admodum maximis in Republicâ admotus honoribus, per eos ad summum tandem fastigium pervenit, Con-

## BOETHII VITA. xix

fulatum : quo tempore Odoacer Herulus Phœbâ , Rugorum rege , victo captoque potitus est. Alterum deinde Consulatum adiit, quando occupati in Italiâ regni annum agebat Theodoricus octavum decimum , ac Ravennæ locatâ regni sede cuncta pro libidine administrabat. Quod cùm videret noster , honestis animum disciplinis applicuit , id sibi tantum superesse intelligens , quod foret homine dignum liberali. Dum hæc ageret , fidam illi & curarum , & gaudiorum , & studiorum sociam Elpidem mors abstulit.

## XX BOETHII VITA.

Quâ fato functâ, princeps Senatûs Symmachus filiam illi suam dedit in uxorem Rusticianam, ex eâque duos paterni avitique ingenii speciem præferentes filios, Symmachum & Boethium, suscepit. Qui quidem adhuc pueri gessere Consulatum, quorum & splendidam ipse pompam Philosophiæ verbis eleganter hoc modo describit. *Si quis rerum mortalium fructus ullum beatitudinis pondus habet, poterit-ne illius memoria lucis quantâlibet ingruentium malorum mole deleri, cum duos pariter liberos tuos domo provehi*

BOETHII VITA. xxj

*sub frequentia Patrum, sub ple-*  
*bis alacritate vidisti? Cum, eis-*  
*dem in Curia curules infidenti-*  
*bis; tu regie laudis orator*  
*ingenii gloriam facundieque me-*  
*ruiſti? Cum in circo duorum me-*  
*diis Conſulum circumfuſæ mul-*  
*titudinis expectationem trium-*  
*phali largitione ſatiaſti? Secu-*  
*tus eſt poſtea tertius ultimusque*  
*Boethii Conſulatus, quem anno*  
*Chriſti DXXII cum Symmacho*  
*geſſit ſocero; quam ad digni-*  
*tatem non eum inquires ambi-*  
*tio, vel ſpes lucri fordida, vilia*  
*vilium animorum incitamenta,*  
*ſed commune bonos in omnes*

## xxij BOETHII VITA.

studium impulit. Inde cum improbis graves illi & inexorabiles discordiæ, & pro tuendo jure spreta potentiorum semper offensio. Primùm quidem Conigastum, vectigalium exactorem durissimum (quî scirent enim rigido metallo servientes sensus humanos sentire?) in imbecillis cujusque fortunas impetum facientem obviùs excepit. Postea Triguillam, regiæ domûs præpositum, ab inceptâ perpetrataque jam prorsùs injuriâ dejecit. Miseros etiam, infinitis quos calumniis impunita Barbarorum semper avaritia

## BOETHII VITA. xxiij

vexabat , objectâ periculis auctoritate protexit. Provincialium quoque fortunas tùm privatis rapinis , tùm publicis vectigalibus pessum dari non aliter , quàm qui patiebantur , indoluit. Cum, acerbæ famis tempore, gravis atque inexplicabilis indicta rei frumentariæ coemptio Campaniam provinciam inopiâ profligatura videretur , certamen adversùs præfectum Prætorii communis ratione commodi suscepit ; rege cognoscente contendit ; ac , ne coemptio exigeretur , evicit. Paulinum , Consularem virum , cu-



XXIV BOETHII VITA.

jus, opes Palatini jam canes & spe & ambitione devorabant, ab ipsis hiantium faucibus traxit. Ne Albinum, Consularem virum, præjudicatæ accusationis pæna corripere, odiis se Cypriani delatoris opposuit; & quod fuerat in eum Majestatis crimen delatum, cum rex communis avidus exitii ad cunctum Senatûs ordinem transferre moliretur, universi innocentiam Senatûs multâ magnâque sui securitate defendit. Talibus à Boethio gestis in Consulatu factum est, ut in eum undique odia flagraverint aulicorum,

## BOETHII VITA. ~~XXV~~

corum, iramque sibi Theodorici regis conflaverit, apud quem sceleratis inimicorum artibus in suspicionem venit capti de mutando Reipublicæ statu, & vindicandâ in libertatem Italiâ, consilii. Nec defuere qui ansam hanc, arriperent oppugnandi perdendique Consulibus. Tres ergo perditissimis moribus homines, Gaudentius; Opilio Basiliusque, delatores inventi sunt. Quorum hic à regio pulsus olim ministerio in delationem sanctissimi nominis alieni æris necessitate compulsus est; priores autem duo ob innume-

## **XXV] BOETHII VITA.**

ras multiplicesque fraudes exilio damnati. Qui quidem, fuerit licet à rege mandatum ut, nisi præscriptum intrà diem Ravennâ urbe decederent, notas insigniti frontibus pellerentur, simul atque Boethii accusationem professi sunt, admissi repente, auditi, regis in gratiam recepti, ac pristinæ fuere dignitati restituti. Summa verò accusationis hæc fuit: quòd Senatum Senatûsque authoritatem salvam voluerit; quòd delatorem, ne documenta deferret quibus Senatum Majestatis reum faceret, prohibuerit; quod Ana-

## BOETHII VITA. xxvij

stasio Imperatori miserit de recuperandâ veteri libertate literas; cujus in criminis fidem confictas quasdam, tanquam à Boethio scriptas, proferebant: postremò quòd in ambitu dignitatis sacrilegio, h. e. magicis artibus, conscientiam polluerit. Purgasset nullo sanè labore Boethius objecta sibi crimina, si coràm delatores arguendi fuisset à Theodorico data sibi licentia. Sed vel iratus oblatam ultionis occasionem rex amittere, vel improbus excitatam à se calumniam dissolvere noluit; tantumque falsis accusationibus

xxvii] BOETHII VITA.

& fictis criminibus tribuit fidei,  
ut Boethium Consulem absen-  
tem infontemque damnaverit,  
ac bonis pulsum omnibus, di-  
gnitatibus exutum; existima-  
tione sedatum, quingentis ab  
urbe passuum milibus Ticinum  
ablegarit. Ibi remotus à Biblio-  
thecâ, vinculis obligatus, nec  
fuit otiosus, nec dolori manum  
dedit; sed à Philosophiâ petiit  
medicinam, quæ sola & animi  
poteft ægritudinem levare, &  
in maximis angustiis sola est viri  
boni hæreditas. Hos itaque *de*  
*Consolatione Philosophiæ* libros  
elegantes Ciceronem imitatus :

## BOETHII VITA. xxix

composuit. Nam sicut Romanus orator, quo filiaë desiderium levaret, de animorum immortalitate differendo Tulliam vivere demonstrat; ita noster de falso & vero Bono, deque Providentiâ mundi gubernatrice disputat, & omnia non sine voluntate divinâ mortalibus evenire declarat. Hoc tantum Philosophum inter & Oratorem inest discriminis, quòd in opere suo Tullius carmen non attingit, Boethius autem utramque miscet orationem; hoc modo ingenium sibi, quidquid tentaverit, nunquam defuisse testa-

### **XXX BOETHII VITA.**

tus. Evenit autem ut, Philosophicæ consolationi dùm vacabat, prodierit à Justino Imperatore mandatum, quo Arianos omnes suis à sedibus moveri juberet Episcopos, templaque ab illis celebrata Catholicis in usum cedere. Quod ubi rescivit Theodoricus, missis Constantinopolim legatis, à Justino postulavit ut Ariani Sacerdotes & Episcopi loco suo moti restituerentur; sin minùs, ut ille Arianos in Asiâ, sic se Catholicos in Italiâ habiturum. Cùm autem in itinere opinione diutius legati morarentur, tum iræ

## BOETHII VITA. xxxj

impotens Theodoricus Boethium & Symmachum exconsules, præcipuosque sani dogmatis defensores, gladio necari imperavit.

Hic fuit viri clarissimi finis, qui facundiâ, probitate, doctrinâ, plurimum excelluit; omnium ultimus qui ex antiquis Romanis aliquid litteris mandaverint. Suo tamen scelere non longum est lætatus Theodoricus; nocentemque ultio est insecta divinitus. Ait namque Procopius, lib. *de Bello Gothorum* 1°. cœnanti Tyranno piscis cum esset allatum caput,



**lxxij BOETHII VITÆ.**

visum esse sibi faciem in eo videre Symmachi labrum inferius dentibus apprehendentis , torvoque vultu fixis in regem luminibus minitantis : quo spectaculo consternatum , subito tremore corpus intremuisse , missoque clamoris sono spiritum reddidisse. Post obitum ejus filia Amalifuenta , quæ in regni hæreditatem venerat , patris acta contrà jus & fas decreta revocavit , Boethii statuas omnes Romæ prostratas erexit , & hæredibus patrimonium incolume reddidit. Rex quoque Theodobatus , quem Amali-

## BOETHII VITA. xxxiij

suenta foror ad regnum promo-  
verat, quemdam Boethii con-  
sanguineum principali inter au-  
licos munere donavit, virgi-  
nemque illi regiæ stirpis oriun-  
dam accivit in uxorem. Deci-  
mo denique sæculo, cùm ossa  
Boethii neglectu lapsuque tem-  
porum jacerent minùs honora-  
ta, Otho tertius, Imperator,  
marmore illa jussit includi, inf-  
cripto elogio quod Ravennas  
Archiepiscopus Gerbertus com-  
posuit.

Quantùm ad varias Boethii  
operum editiones, libelli hujus  
inter cæteros fortuna fuit splen-

#### xxxiv BOETHII VITA.

didior. Paucæ namque admodum fuerunt susceptæ reliquorum editiones, quorum tamen *Basileæ typis Petrinis* mandata, luculentis doctorum virorum commentariis illustrata, curisque *Henr. Loriti Glareani* recognita collectio prodiit iteratâ vice annis 1546 & 1570, *in-folio*. Sexcenties autem novâque semper cum voluptate typis vulgatus est libellus *de Consolatione Philosophiæ*. Cujus editiones recensere omnes neque vacat, neque lubet. Hoc tantum eâ de re dictum sit à nobis, principem omnium edi-

## BOETHII VITA. xxxv

tionem , cui *Divi Thomæ de Aquino, Doctoris Angelici* , sed veriùs *Thomæ* cujusdam Angli, commentationes accedunt, *Nurembergæ ab Ant. Koburger* impressam anno 1476 in lucem venisse ; quam aliæ aliis sunt in locis infecutz , in quibus eminent & quæ *Lugd. Batav.* cum *Vallini* & aliorum notis vulgariz celebrantur an. 1656 & 1671, in-8°. & quæ *Parisiis* an. 1680, in-4°. curante *Pet. Callyo* , in usum *Ser. Galliæ Delphini*. Fuit autem tantæ apud antiquos tùm laudi, tùm venerationi, scitum hoc Boethii opusculum,

### XXXVj BOETHII VITA.

ut, omni ferè dialecto, versum  
sit; adeò ut *Maximus Planudes*,  
nil moratus superbam Græco-  
rum consuetudinem qui latini  
sermonis libros græcè reddere  
non solent, græco hunc ser-  
mone sit interpretatus; cujus  
operis codices exstant quatuor  
manu scripti in Bibliothecâ re-  
giâ.



*VARIORUM DE BOETHIO &  
illius scriptis testimonia.*

**P**RISCIANUS Grammaticus, vir in Grammaticis, Rhetoricis, Philosophicis & Mathematicis versatissimus, libro *de Ponderibus & mensuris* Boethium ait probitatis & omnium scientiarum verticem attigisse.

Evodius, Episcopus Ticinensis, vir cum strictâ, tum solutâ oratione clarissimus, epistolarum libro 7<sup>o</sup>, hæc Boethio scribit ep, decimâ tertiâ : *tu in me, hominum emendatissime, dignaris predicare virtutes, quem in annis puerilibus sine ætatis præjudicio industria fecit antiquum; qui per diligentiam implet omne*

### XXXVIIJ

*quod cogitur ; cui inter vita exordia ludus est lectionis assiduitas , & delicia sudor alienus ; in cujus manibus duplicato igne rutilat quâ veteres face fulserunt. Nam quod vix majoribus circâ extremitatem vita contigit , hoc tibi abundat in limine.*

*Procopius lib. de Bello Gothorum 1°. hæc habet , quæ sic latinè reddantur. Symmachus & gener ejus Boethius Patricii , alto majorum editi sanguine , Romani Senatûs principes & Consules fuere ; Philosophia & aequitati suprâ ceteros mortales studuerunt , multisque tùm Romanorum egenis , tùm externorum , opibus suis subvenere. Hi ad ingentem gloriam eveâi deterrimos quosque in suâ invidiam excitâ-*

*runt , quibus deferentibus persuasus rex Theodoricus , viros clarissimos nova tanquam molientes occidit , bonaque illorum omnia publicavit. .*

Laurentius Valla , vir eruditissimus , non modò Boethium latine loqui proficitur , verùm eruditorum ultimum illum vocat.

Joh. Trithemius , Abbas Spanheimensis , in *Catalogo scriptorum Ecclesiast.* sic refert. *Boethius Manlius Severinus , Consul ordinarius Roma , philosophus , orator & poeta insignis , in divinis scripturis doctus , & in secularibus litteris omnium suo tempore fuit eruditissimus. Vir græco & latino copiosè imbutus eloquio ; quippe qui multa voluminatàm Aristotelis , quàm alio-*



*rum Philosophorum; de Atticâ linguâ transfulerit in latinam; ingenio subtilis, sensu promptus, & sermone Tullio non inferior.*

. Julius Cæsar Scaliger, vir in republicâ litterariâ celeberrimus, Boethium in *Hypereritico* sic laudat. *Boethii Severini ingenium, ars, eruditio, sapientia, facile provocat omnes authores, sive illi Græci sint, sive Latini. Sæculi barbarie soluta illius oratio deterior invenitur; at quæ libuit in pœsi ludere, divina sanè sunt. Nihil illis cultius, nihil gravius; neque densitas sententiarum venerem, neque acumen abstulit candorem. Equidem censeo paucos cum illo comparari posse.*

Gregorius Gyraldus in dialogo quinto de Poetarum historiâ ; fuit , inquit , *Boethius in omni disciplinâ egregiè doctus ; sed in pangendis versibus mirâ usus est facultate.*

Gerard. Joh. Vossius *de Poetis Latinis* cap. 5. Quibus , inquit , temporibus in Oriente Zeno postea-que Anastasius , in Italiâ Odoacer & exinde Theodoricus rexit , clauit Anic. Manl. Sever. Boethius , vir latinè & gracè doctissimus , in omni disciplinarum genere excellens , & quo à Varronis temporibus Roma non habuerit doctiorem. Quantum idem carmine valuerit , ostendunt libri quinque de Consolatione Philosophia , quos exul

**xlij**

*Ticini scripsit. Nihil omnino in  
poesi venustius habuit illud ævum ,  
vel etiam quod antè precessit.*



**C O M P E N D I O S A** *de metris*  
*Boethianis expositio.*

**M E T R O R U M** genera, quibus in opere *de Consolatione Philosophiae* usus est Boethius, sunt sex & viginti.

Metrum I. vocatur *Elegiacum*, constatque duplici versuum genere, hexametro scilicet *Heroico*, & pentametro. Bis usurpavit noster, *lib. i. p. 1. lib. 5. p. 140.*

II. Dicitur *Alcmanium* ab inventoris nomine. Constat autem simplici versuum genere, conficiturque ex quatuor pedibus *Heroici* carminis, ita ut post secundum pedem syllaba supersit. Semel utitur, *lib. i. p. 6.*

III. Constat ex duplici versuum

genere , quorum prior hexameter *Heroicus* , posterior tetrameter *Alcmanius* ad modum se fert *Heroici* , frequentiore tamen *Dactylo*. Semel invenies , *lib. 1. p. 8.*

IV. *Phalacium* dicitur à *Phalæco* inventore. Constat autem simplici versuum genere , quorum quilibet *endecasyllabus* Spondæum recipit & *Dactylum* cum *Trochæis* tribus. Bis utitur , *lib. 1. p. 12. lib. 3. p. 52.*

V. A *Pindaro* dicitur *Pindaricum* , constatque simplici versuum genere , quorum quilibet tetrameter Spondæum , Anapæstum , *Dactylum*que cum novo Spondæo recipit : sed , his neglectis legibus , id unum curat *Boethius* ut sint illi quatuor pedes. *Quinquies* usurpatum reperitur , *lib.*

1. p. 26. lib. 3. p. 10. lib. 4. p. 126.  
lib. 5. p. 142. & 152.

VI. A Glycone vocatur *Glyconium*. Constat autem simplici versuum genere, quorum trimeter quilibet Spondæum cum Dactylis duobus obtinet. Quinquies utitur, lib. 1. p. 31. lib. 2. p. 84. lib. 3. p. 71. lib. 4. p. 94. lib. 5. p. 162.

VII. Ab Adone regis Cypriorum filio dicitur *Adonium*, constatque simplici versuum genere, quorum dimeter quilibet Dactylo Spondæoque componitur. Semel invenies, lib. 1. p. 37.

VIII. Ab Hypponaacte dicitur Iambicum *Hypponaactium*. Constat autem simplici versuum genere, quorum quilibet sex pedibus com-

positus paribus quidem Iambum ;  
 imparibus verò Spondæum sæpius  
 retinet. Bis utitur , *lib. 2. p. 42. lib.*  
*3. p. 62.*

IX. Constat duplici versuum ge-  
 nere , quorum prior ab Asclepiade  
 dictus *Asclepiadeus* Spondæum reci-  
 pit Dactylumque cum syllabâ super-  
 stite quam duo deinde excipiunt Da-  
 ctilyli ; posterior autem à Phere-  
 crate dictus *Pherecratius* Spondæo,  
 vel Anapæsto , Dactyloque nititur  
 eum altero Spondæo. Semel usurpat,  
*lib. 2. p. 46.*

X. Duplici constat versuum ge-  
 nere , quorum prior à Sapphone  
 dictus *Sapphicus* fit ex Trochæo ,  
 Spondæo, Dactylo, & Trochæis duo-  
 bus ; posterior vero totus est Gly-

*conius* , de quo suprà in metro VI. Semel utitur , *lib. 2. p. 51.*

XI. Duplici constat versuum genere , quorum prior ab Anacreonte dictus *Anacreontius* post primum pedem , sive sit ille Iambicus , Spondaicus , vel Anapæsticus , duos Iambos habet cum syllabâ superstita ; posterior verò totus est *Phecrecratius* , de quo in metro IX. Semel invenitur , *lib. 2. p. 59.*

XII. Constat simplici versuum genere , quorum quilibet tribus constat pedibus cum syllabâ superstita. Pes tertius semper Anapæstus , primus & secundus Spondæo nituntur & Anapæsto absque distinctione. Bis utitur noster , *lib. 2. p. 68. lib. 3. p. 23.*



XIII. Carmen est *Sapphæum* unius generis, de quo supra in metro X. Bis invenies, *lib. 2. p. 74. lib. 4. p. 132.*

XIV. Duplici constat versuum genere, quorum prior Iambicus, ab Archilochus dictus *Archilochius*, sex pedes habet; locisque imparibus admittit interdum Anapæstum: posterior verò quaternis tantum nititur, & iis Iambicis. Semel utitur, *lib. 2. p. 81.*

XV. *Phaliscum* dicitur, constatque simplici versuum genere, quorum quilibet tribus Dactylis & Pyrrhichio componitur. Semel usurpatur, *lib. 3. p. 3.*

XVI. Constat duplici versuum genere, quorum prior Iambicus  
*Archi-*

*Archilochius*, de quo suprà in metro XIV; posterior pentameter *Elegiacus*, de quo in met. I. Semel in usu, *lib. 3. p. 15.*

XVII. Fit ex duplici versuum genere, quorum prior *Phalacius* pentameter, de quo actum suprà in metro IV. posterior verò *Archilochius* tetrameter duobus Dactylis ac totidem Trochæis compositus. Semel habetur, *lib. 3. p. 20.*

XVIII. Duplici constat versuum genere, quorum prior *Alcmanius* trimeter tres pedes recipit *Heroici* carminis cum syllabâ superstita; posterior verò *Pherecratius* trimeter de quo in metro IX. Locum semel habet, *lib. 3. p. 26.*

XIX. *Anacreontium* dicitur, con-

statque simplici versuum genere ,  
 quorum trimeter quilibet Anapa-  
 stum recipit cum duobus Iambis &  
 syllabâ superstita. Semel obtinet ,  
*lib. 3. p. 28.*

XX. Constat duplici versuum ge-  
 nere , quorum prior *Asclepiadeus* ,  
 de quo in met. IX. posterior Iam-  
 bicus *Archilochius* de quo in met.  
 XIV. Semel in usu , *lib. 3. p. 31.*

XXI. Vocatur *Heroicum* , con-  
 statque simplici versuum genere ,  
 quorum quilibet hexameter Dacty-  
 lum in quintâ , Spondæumque in  
 sextâ sede recipit , horum non ha-  
 bito in cæteris discrimine. Semel  
 usurpatur , *lib. 3. p. 39.*

XXII. Constat duplici versuum  
 genere , quorum prior *Alcmanius*

tetrameter Dactylis componitur , de quo suprà in met. III. posterior verò Iambicus tetrameter *Archilochius* , de quo jam in metro XIV. Semel invenitur , *lib. 4. p. 76.*

XXIII. Duplici conflatur versuum genere, quorum primus quisque Trochaicus *Alcmanius* Spondæum interdum recipit ; secundus *Pherecrætius* , de quo suprà in met. IX. Semel est in usu , *lib. 4. p. 88.*

XXIV. Constat duplici versuum genere , quorum primus quisque *Phalacius* pentameter , de quo meminimus in met. IV. secundus pentameter *Elegiacus*. Semel obtinet , *lib. 4. p. 107.*

XXV. Duplici constat versuum genere , & est tetrametrum. Primus

**IIj**

quisque versus Trochæo , Spondæo secundus incipit. Uterque tamen in secundâ sede Spondæum , vel Iambum , vel Daçtylum assumens cum syllabâ superstitè , Daçtylo & Spondæo terminatur. Versum tamen exceipe vigesimum qui in primâ sede Iambum , in secundâ verò Tribraçhyn involvit. Semel usurpatur, *lib. 4. p. 109.*

XXVI. Dicitur *Archilochium* , constatque simplici versuum genere ; quorum heptameter quilibet priores quatuor pedes à carmine obtinet *Heroico* , tresque cæteros totidem Trochæis numerat. Semel invenies , *lib. 5. p. 168.*

---

ARGUMENTA librorum de  
Consolatione Philosophiæ.

*FORMA operis est dialogistica nec unius personæ. In Dialogo non interloquuntur nudæ personæ, sed sæpè intercedit ipse Boethius narrans non pauca, & filius suæ consuens orationis ea quæ tum à se, tum à Philosophiâ differuntur. Dictionis est varia, modò soluta, modò pedibus adstricta.*

*Libri sunt quinque. Primus querelam & lamentationem habet Boethii, ex collatione pristini statûs cum recente.*

*Secundo leviora quædam do-*

*loris fomenta applicat Philosophia, docetque de fortunâ Boethium injustè queri.*

*Tertius certiora continet adversùs animi ægritudinem remedia, & rejectâ falsæ felicitatis imagine veram beatitudinem ostendit.*

*Quartus demonstrat Malos omnes imbecillos esse ac infelices, Bonos verò potentes semper & beatos. Hîc agitur de Fato Providentiâque divinâ, undè fortunam esse nullam, quæ sit mala, concluditur.*

*Quintus est de Casu, de libertate Arbitrii, concordiaque libertatis cum præscientiâ divinâ.*

ANIC.



ANIC. MANL. TORQ. SEVER.

**B O E T H I I**  
**DE CONSOLATIONE**  
**PHILOSOPHIÆ**  
**LIBER PRIMUS.**

**C**ARMINA qui quondam studio florente peregi,  
Flebilis heu ! mœstos cogor inire modos.  
Ecce mihi laceræ dictant scribenda Camenæ,  
Et veris Elegi fletibus ora rigant.  
Has saltem nullus potuit pervincere terror  
Ne nostrum comites prosequerentur iter.  
Gloria felicitis olim viridisque juventæ,  
Solantur mœsti nunc mea fata senis.  
Venit enim properata malis inopina senectus,  
Et dolor ætatem jussit adesse suam.  
Intempestivi funduntur vertice cani,

\* A



Et tremit effoeto corpore laxa cutis.  
Mors hominum felix, quæ se nec dulcibus annis  
Inserit, & mortis sæpè vocata venit.  
Eheu! quàm surdâ mîseros avertitur aure,  
Et flentes oculos claudere sæva negat!  
Dum levibus malefida bonis fortuna faveret,  
Penè caput tristis merferat hora meum.  
Nunc, quia fallacem mutavit nubila vultum,  
Protrahit ingratas impia vita moras.  
Quid me felicem toties jactastis, amici?  
Qui cecidit, stabili non erat ille gradu.

Hæc dum tacitus mecum ipse reputarem, querimoniamque lacrymabilem styli officio designarem, adstivisse mihi suprà verticem visa est mulier reverendi admodum vultûs, oculis ardentibus & ultrà communem hominum valentiam perspicacibus; colore vivido, atque inexhausti vigoris, quamvis ita ævi plena foret ut nullo modo nostræ crederetur ætatis; statura discretionis ambiguae:

nam nunc quidem ad communem sese hominum mensuram cohibebat, nunc verò pulsare cœlum summi verticis cacumine videbatur; quæ cum caput altiùs extulisset, ipsum etiam cœlum penetrabat, respicientiumque hominum frustrabatur intuitum. Vestes erant tenuissimis filis, subtili artificio, indissolubilique materiâ perfectæ; quas, uti post eâdem prodente cognovi, suis ipsa manibus texuerat: quarumque speciem, veluti fumosas solet imagines, caligo quædam neglectæ vetustatis obduxerat. Harum in extremo margine  $\Pi$ , in supremo verò  $\Theta$  legebatur intextum; atque inter utrasque litteras, scalarum in modum, gradus quidam insigniti videbantur, quibus

ab inferiore ad superius elementum  
esset adscensus. Eandem tamen ves-  
tem violentorum quorundam scide-  
rant manus , & particulas , quas  
quisque potuit , abstulerant. Tum  
dextera quidem ejus libellos , scep-  
trum verò sinistra gestabat. Quæ ubi  
Poëticas vidit Mufas nostro assisten-  
tes thoro fletibusque meis verba dic-  
tantes , commota paulisper ac torvis  
inflammata luminibus : quis , in-  
quit , scenicas hæc meretriculas ad  
hunc ægrum permisit accedere , quæ  
dolores ejus non modò nullis fove-  
rent remediis , verùm dulcibus ale-  
rent venenis ? Hæ sunt enim quæ  
infructuosis affectuum spinis ube-  
rem fructibus rationis segetem ne-  
cant , hominumque mentes assue-

faciunt morbo , non liberant. At si quem profanum , uti vulgò solitum , nobis blanditiæ vestræ detraherent , minùs molestè ferendum putarem. Nihil quippe in eo nostræ operæ læderentur. Hunc verò Eleaticis atque Academicis studiis innutritum ? Sed abite potiùs Seirenes usque in exitium dulces , meisque hunc Musis curandum sanandumque relinquite. His ille chorus increpitus deiecit humi mœstior vultum , confususque rubore verecundiam limen tristis excessit. At ego cujus acies lacrymis merisa caligarat , ne dignoscere possem quænam hæc esset mulier tam imperiosæ autoritatis , obstupui ; visuque in terram defixo , quidnam esset deinceps actura expec-

tare tacitus cœpi. Tùm illa propius  
accedens in extremâ lectuli mei parte  
confedit, meumque intuens vultum  
luctu gravem atque in humum mœ-  
rore dejectum, his versibus de nos-  
træ mentis perturbatione conquesta  
est.

Hic ! quàm præcipiti mersa profundo  
Mens hebet ; &, propriâ luce relictâ,  
Tendit in externas ire tenebras,  
Terrenis quoties statibus acta  
Crescit in immensum noxia cura !  
Hic quondam, cœlo liber aperto,  
Suetus in æthereos ire meatus  
Cernebat rosei lumina solis,  
Visebat gelidæ sidera lunæ ;  
Et quæcunque vagos stella recursus  
Exercet varios sicca per orbes,  
Compressam numeris victor habebat.  
Quin etiam causas unde sonora  
Flamina sollicitent æquora Ponti ;  
Quis volvat stabilem spiritus orbem ;  
Vel cur Hesperias fidus in undas  
Casurum rutilo surgat ab ortu ;

Quis placidas Veris temperet horas  
 Ut terras roseis floribus ornet;  
 Quis dedit ut pleno fertilis anno  
 Autumnus gravidis influat uvis,  
 Rimari solitus, atque latentis  
 Naturæ varias reddere causas.  
 Nunc jacet effæto lumine mentis,  
 Et pressus gravibus colla catenis  
 Declivemque gerens pondere vultum,  
 Cogitur heu ! stolidam cernere terram.

SED medicinæ, inquit, opus est,  
 non querelæ. Tùm verò totis in me  
 intenta luminibus : tu ne ille es, ait,  
 qui nostro quondam lacte nutritus,  
 nostris educatus alimentis, in virilis  
 animi robur evaseras? Atqui talia  
 contuleramus arma quæ, nisi prius  
 abjecisses, invictâ te firmitate tue-  
 rentur. Agnoscis-ne me? Quid taces?  
 Pudore an stupore filuisti? Mallem  
 pudore; sed te, ut video, stupor op-  
 pressit. Cumque me non modò taci-

tum , sed elinguem prorsùs mutum-  
que vidisset , admovit pectori meo  
leniter manum ; & , nihil est , in-  
quit , periculi ; lethargum patitur ,  
communem illufarum mentium mor-  
bum. Sui paulisper oblitus est : re-  
cordabitur facilè , si quidem nos antè  
cognoverit. Quod ut possit , paulisper  
lumina ejus mortalium rerum nube  
caligantia tergamus. Hæc dixit , ocu-  
losque meos fletibus undantes , con-  
tractâ in rugam veste , siccavit.

Tunc me discussâ liquerunt nocte tenebræ ,  
Luminibusque prior rediit vigor.

Ut , cùm præcipiti glomerantur sidera Cœro ,  
Nimbosisque polus stetit imbribus ;

Sol latet , ac , nondum cœlo venientibus astris ,  
Desuper in terram nox funditur.

Hanc si Threicio Boreas emissus ab antro

Verberet , & clausum referet diem ;

Emicat , & subito vibratus lumine Phœbus

Mirantes oculos radiis fexit.

HAUD aliter tristitiæ nebulis dissolutis hausi cœlum, & ad cognoscendam medicantis faciem mentem recepi. Itaque ubi in eam deduxi oculos intuitumque defixi, respicio nutricem meam, in cujus ab adolescentiâ laribus versatus fueram, Philosophiam. Et quid, inquam, tu in has exilii nostri solitudines, ô omnium magistra virtutum, à superno cardine delapsa venisti? An ut tu quoque mecum rea falsis criminationibus agiteris? An, inquit, te, ô alumne, defererem; nec sarcinam, mei quam nominis invidiâ sustulisti, communicato tecum labore partirer? Atqui Philosophiæ fas non erat incomitatum relinquere iter innocentis. Meam scilicet criminationem ve-



rerer : & , quasi novum quid acciderit , perhorrescerem ? Nunc enim primum censes apud improbos mores laceffitam periculis esse sapientiam ? Nonne apud veteres quoque , antè nostri Platonis ætatem , magnum sæpè certamen cum stultitiæ temeritate certavimus ? Eodemque superstitute præceptor ejus Socrates injustæ victoriæ mortis , me adstante , promeruit ? Cujus hæreditatem cum deinceps Epicureum vulgus ac Stoicum , cæterique pro suâ quisque parte raptum ire molirentur , meque reclamantem renitentemque velut in partem prædæ traherent , vestem , meis quam ipsa manibus texueram , disciderunt , abreptisque ab eâ panniculis totam me sibi cessisse creden-

res abiere. In quibus, quoniam nostri quædam habitus vestigia videbantur, meos esse familiares imprudentia rata non nullos eorum profanz multitudinis errore pervertit. Quod si nec Anaxagoræ fugam, nec Socratis venenum, nec Zenonis tormenta, quoniam sunt peregrina, novisti; at Canios, at Senecas, at Soranos, quorum nec pervetusta nec incelebris memoria est, scire potuisti. Quos nihil aliud in cladem detraxit, nisi quòd nostris moribus instituti studiis improborum dissimillimi viderentur. Itaque nihil est quòd mirearis, si in hoc vitæ salo circumflantibus agitemur procellis, quibus hoc maximè propositum est, pessimis displicere. Quorum quidem tametsi nu-

merofus, ſpernendus tamen eſt exercitus, quoniam nullo duce regitur, ſed errore tantum temerè ac paſſim lymphante raptatur. Qui ſi quando contra nos aciem ſtruens valentior incubuerit, noſtra quidem dux ſuas in arcem copias contrahit: illi verò circa diripiendas inutiles ſarcinulas occupantur. At nos deſuper irridemus rerum viliffima quæque rapien-tes, ſecuri totius furioſi tumultus, eoque vallo muniti, quò graſſanti ſtultitiæ adſpirare fas non ſit.

QUISQVIS compoſito ſerenus ævo  
Fatum ſub pedibus dedit ſuperbum,  
Fortunamque tuens utramque rectus  
Invictum potuit tenere vultum;  
Non illum rabies minæque Ponti  
Verſum funditus excitantis æſtum,  
Nec ruptis quoties vagus caminis  
Torquet fumificos Veſevus ignes,

Aut

Aur celsas soliti ferire turres  
 Ardentis via fulminis movebit.  
 Quid tantum miseri feros tyrannos  
 Miramur sine viribus furentes ?  
 Nec speres aliquid, nec extimescas;  
 Exarmaveris impotentis iram.

At quisquis trepidus pavet vel optat,  
 Quòd non sit stabilis sui que jūris,  
 Abjecit clypeum, locoque motus  
 Nescit, quā valeat trahi, catenam.

SENTIS-NE, inquit, hæc, atque  
 animo illabuntur tuo ? Es-ne *ἀνὴρ*  
*πρὸς λόγους* ? Quid fles ? Quid lacry-  
 mis manas ? *ἐξ αὐτῆς, μὴ πένθῃ νόσῃ.*  
 Si operam medicantis expectas, vul-  
 nus detegas oportet. Tūm ego col-  
 lecto in vires animo : Anne adhuc  
 eget admonitione, nec per se satis  
 eminet fortunæ in nos sævientis as-  
 peritas ? Nihilne te ipsa loci facies  
 movet ? Hæccine est Bibliotheca,  
 quam certissimam tibi sedem nostris

- in laribus ipsa delegeras ; in quâ mecum sæpè residens de divinarum humanarumque scientiâ differebas ? Talis habitus , talisque vultus erat , cùm tectum naturæ secreta rimarer , cùm mihi siderum vias radio describeres , cùm mores nostros totiusque vitæ rationem ad cœlestis ordinis exemplar informares ? Hæccine præmia referimus tibi obsequentes ? Atqui tu hanc Platonis ore sanxisti sententiam ; *Beatas fore Respublicas , si eas vel studiosi sapientia regerent , vel earum rectores studere sapientia contigisset*. Tu ejusdem ore viri necessariam hanc sapientibus capessundæ reipublicæ causam esse monuisti , ne improbis flagitiosisque civibus urbium relicta gubernacula

pestem bonis ac perniciem inferrent. Hanc igitur auctoritatem secutus, quod à te secreta inter oīa didiceram, transferre in actum publicæ administrationis optavi. Tu mihi, & qui te sapientium mentibus inseruit Deus, confici nullum me ad magistratum nihil nisi commune bonorum omnium studium detulisse. Inde cum improbis graves inexorabileque discordiæ; &, quod conscientiæ libertas habet, pro tuendo jure sprete potentiorum semper offensio. Quoties ego Conigastum in imbecillis cujusque fortunas impetum facientem obuius excepi! Quoties Trigillam regiæ præpositum domûs ab inceptâ perpetrâtâque jam prorsus injuriâ dejeci! Quoties miseros, in-

finitis quos calumniis impunita Barbarorum semper avaritia vexabat, objectâ periculis autoritate protexi! Nunquam me ab jure ad injuriam quisquam detraxit. Provincialium fortunas tum privatis rapinis, tum publicis vectigalibus pessumdari, non aliter, quàm qui patiebantur, indolui. Cùm, acerbæ famis tempore, gravis atque inexplicabilis indicta rei frumentariæ coemptio profligatura inopiâ Campaniam provinciam videretur, certamen adversus Præfectum Prætorii communis commodi ratione suscepi, Rege cognoscente contendì, & ne coemptio exigere-tur evici. Paulinum Consularem virum, cujus opes Palatini jam canes spe atque ambitione devorassent, ab

ipsis hiantium faucibus traxi. Ne Al-  
 binum Consularem virum præjudi-  
 catæ accusationis pœna corripere-  
 ret, odiis me Cypriani delatoris opposui.  
 Satisne magnas in me videor exacer-  
 basse discordias? Sed esse apud cæ-  
 teros tutior debui, qui mihi amore  
 justitiæ nihil apud Aulicos, quò ma-  
 gis essem tutior, reservavi. Quibus  
 autem deferentibus perculsi sumus?  
 Quorum Basilus, à regio depulsus  
 olim ministerio, in delationem nos-  
 tri nominis alieni æris necessitate  
 compulsus est. Opilionem verò at-  
 que Gaudentium cùm ob innumeras  
 multiplicesque fraudes ire in exilium  
 regia censura decrevisset, cùmque  
 illi parere nolentes sacrarum sese  
 ædium defensione tuerentur, com-



pertumque id regi foret, edixit ut, nisi præscriptum intra diem Ravennâ decederent, notas insigniti frontibus pellerentur. Quid huic severitati posse adstrui videtur? Atqui eodem die deferentibus iisdem nominis nostri delatio suscepta est. Quid igitur? Nostræne artes ita meruerunt? An accusatores justos facit præmissa damnatio? Itane nihil fortunam puduit, sin minùs accusatæ innocentæ, at accusantium vilitatis? At, cujus arguimur, criminis summam quæris? Senatum dicimur salvum esse voluisse. Modum desideras? Delatorem, ne documenta deferret quibus Senatum Majestatis reum faceret, impedisse criminamur. Quid igitur, ô magistra, censes? Inficiabimur crimen,

ne tibi pudori sumus? At volui, nec unquam velle desistam. Fatebimur? Sed impediendi delatoris opera cessabit. An optasse ordinis illius salutem nefas vocabo? Ille quidem suis in me decretis, uti hoc nefas esset, effecerat. Sed sibi semper mentiens imprudentia rerum merita non potest immutare: neque mihi Socratico decreto fas esse arbitror vel oculuisse veritatem, vel concessisse mendacium. Verum id, quoquo fit modo, tuo Sapientiumque judicio æstimandum relinquo. Cujus rei seriem atque veritatem, ne latere posteros queat, stylo etiam memoriæque mandavi. Nam de compositis falso litteris, quibus libertatem arguor sperasse Romanam, quid attinet dicere?

Quarum fraus aperta patuisset, si nobis ipsorum confessione delatorum, quod in omnibus negotiis vires habet maximas, uti licuisset. Nam quæ sperari reliqua libertas potest? Atque utinam posset ulla! Respondissem Canii verbo, qui cum à C. Cæsare, Germanici filio, conscius factæ contrà se conjurationis fuisse diceretur: *Si ego, inquit, scissem, tu nescisses.* Quâ in re non ita sensus nostros morror hebetavit, ut impios scelerata contrà virtutem querar esse molitos: sed, quæ speraverint, effecisse vehementer admiror. Nam deteriora velle nostri fuerit fortasse defectûs: posse verò contrà innocentiam quæ sceleratus quisque conceperit, inspectante Deo, monstri fi-

mile est. Undè haud injuriâ tuorum  
 quidam familiarium quæsit: *Si qui-*  
*dem Deus*, inquit, *est, undè mala?*  
*Bona verò undè, si non est?* Sed fas  
 fuerit nefarios homines, qui bono-  
 rum omnium totiusque Senatûs san-  
 guinem petunt, nos etiam, bonis  
 quos propugnare Senatuque vide-  
 rant, perditum ire voluisse. Num  
 idem de Patribus quoque mereba-  
 mur? Meministi, ut opinor, quo-  
 niam me vel dicturum, vel factu-  
 rum quid semper ipsa dirigebas; me-  
 ministi, inquam, Veronæ cùm Rex  
 communis avidus exitii Majestatis  
 crimen in Albinum delatum ad cunc-  
 tum Senatûs ordinem transferre mo-  
 liretur, universi innocentiam Sena-  
 tûs quantâ mei securitate periculi

defenderim. Scis me hæc & vera proferre , & in nullâ unquam mei laude jactasse. Minuit enim quodam modo se probantis conscientia secretum , quoties ostentando quis factum recipit famæ pretium. Sed innocentiam nostram quis exceperit eventus vides. Pro veræ virtutis præmiis falsi sceleris pœnas subimus. At cujus unquam facinoris manifesta confessio ita judices habuit in severitate concordēs , ut non aliquos vel ipse humani error ingenii , vel fortunæ conditio cunctis mortalibus incerta submitteret ? Si inflammare sacras ædes voluisse , si sacerdotes impio jugulare gladio , si bonis omnibus necem struxisse diceremur , præsentem tamen sententia confessum

convictumve punisset. Nunc quingentis ferè passuum millibus procul moti, atque indefensi, ob studium propensius in Senatum mortis proscriptionisque damnamur. O meritos de simili crimine neminem posse convinci! Cujus dignitatem reatûs ipsi etiam, qui detulere, viderunt: quam uti sceleris alicujus admistione fuscarent, ob ambitum dignitatis sacrilegio me conscientiam polluisse mentiti sunt. Atqui & tu insita nobis omnem rerum mortalium cupidinem de nostri animi sede pellebas, tuisque sub oculis sacrilegio locum esse fas non erat. Instillabas enim auribus cogitationibusque quotidie meis Pythagoricum illud *ἴσθι σιωπῆς*. Nee conveniebat vilissimorum me spiri-

tuum præsidia captare , quem tu in hanc excellentiam componebas ut consimilem Deo faceres. Præterea penetrale innocens domûs , honestissimorum cœtus amicorum , focer etiam Symmachus sanctus & æquè ac tu ipsa reverendus , ab omni nos hujus criminis suspicione defendunt. Sed ô nefas ! Illi verò à te tanti criminis fidem capiunt ; atque hoc ipso videmur affines fuisse maleficio , quòd tuis imbuti disciplinis , tuis sumus moribus instituti. Ita non est satis nihil mihi tuam profuisse reverentiam , nisi ultrò meâ tu potius offensione lacereris. At verò nostris hic etiam malis cumulus accedit , quòd existimatio plurimorum non rerum merita sed fortunæ spectat eventum ,  
eaque

eaque tantum judicat esse provisa,  
 quæ felicitas commendaverit. Quo  
 fit ut existimatio bona prima omnium  
 deserat infelices. Qui nunc populi  
 rumores, quàm dissonæ multiplices-  
 que sententiæ, piget reminisci. Hoc  
 tantum dixerim, ultimam esse ad-  
 versantis fortunæ sarcinam, quòd,  
 dum miseris crimen aliquod affingi-  
 tur, quæ perferunt meruisse credun-  
 tur. Et ego bonis quidem pulsus om-  
 nibus, dignitatibus exutus, existi-  
 matione foedatus, ob beneficium  
 pertuli supplicium. Videre autem vi-  
 deor nefarias sceleratorum officinas  
 gaudio lætitiâque fluitantes: perdi-  
 tissimum quemque novis delationum  
 fraudibus imminentem: jacere bo-  
 nos nostri terrore discriminis prof-



tratos : flagitiosum quemque ad audendum quidem facinus impunitate, ad efficiendum verò præmiis incitari : infantes autem non modò securitate, verùm ipsâ etiam defensione privatos. Itaque libet exclamare :

O STELLIFERI conditor orbis,  
Qui perpetuo nixus folio  
Rapido cœlum turbine verfas,  
Legemque pati sidera cogis,  
Ut nunc pleno lucida cornu  
Totis fratris & obvia flammis  
Condat stellas Luna minores ;  
Nunc obscuro pallida cornu  
Phœbo propior lumina perdat :  
Et qui primo tempore noctis  
Agit argentes Hesperus ortus,  
Solitas iterum mutet habenas  
Phœbi pallens Lucifer ortu.  
Tu frondifluæ frigore brumæ  
Stringis lucem breviora mora.  
Tu, cùm fervida venerit æstas,  
Agiles noctis dividis horas,

Tua vis varium temperat annum ,  
 Ut , quas Boreæ spiritus aufert ,  
 Revehat mitis Zephyrus frondes :  
 Quæque Arcturus semina vidit ,  
 Sirius altas urat segetes.  
 Nihil antiquâ lege solutum  
 Linqvit propriæ stationis opus :  
 Omnia certo fine gubernans  
 Hominum solos respuit actus  
 Merito rector cohibere modo.  
 Nam cur tantas lubrica versat  
 Fortuna vices ? Premit insontes  
 Debita sceleri noxia pœna .  
 At perversi resident celsis  
 Mores folio , sanctaque calcant  
 Injustâ vice colla nocentes.  
 Latet obscuris condita virtus .  
 Clara tenebris , iustusque tulit  
 Indensus crimen iniqui.  
 Nil perjuria , nil nocet ipsis  
 Mendaci fraus comta colore.  
 Sed cùm libuit viribus uti ,  
 Quos innumeri metuunt populi ,  
 Summos gaudent subdere Reges.  
 O ! jam miseras respice terras ,  
 Quisquis rerum fœdera nectis.  
 Operis tanti pars non vilis

Homines, quatimur fortunæ salo;  
 Rabidos, rector, comprime fluctus;  
 Et, quo cœlum regis immensum,  
 Firma, stabiles fodere terras.

HÆC ubi continuato dolore delatravi, illa vultu placido, meisque nihil mota questibus: cùm te, inquit, mœstum lacrymantemque vidissem, illicò miserum exulemque cognovi. Sed quàm id longinquum esset exilium, nisi tua prodidisset oratio, nesciebam. Sed tu procul à patriâ non quidem pulsus es, sed aberrasti. At si te pulsus existimari mavis, te potius ipse pepulisti. Nam id quidem nunquam de te fas cuiquam fuisset. Si enim cujus oriundus sis patriæ reminiscaris, non, uti Atheniensium quondam, multitudinis imperio regitur: sed *de nâpate iôrô;*

ὁ βασιλεὺς, qui frequentiâ civitum,  
 non depulsione lætatur: cujus agi  
 frænis atque obtemperare justitiæ  
 summa libertas est. An ignoras an-  
 tiquissimam illam civitatis tuæ le-  
 gem quâ sancitum est, *ei jus exu-  
 lare non esse, quisquis in eâ sedem  
 fundare maluerit?* Nam qui vallo  
 ejus ac munimine continetur, metus  
 nullus est ne exsul esse mereatur. At  
 quisquis inhabitare eam velle desie-  
 rit, pariter etiam mereri desinit.  
 Itaque non tam loci hujus, quàm  
 tua me faciēs movet. Nec biblio-  
 thecæ potiùs comptos ebore ac vitro  
 parietes, quàm mentis tuæ sedem  
 requiro, in quâ non libros, sed,  
 quod libris pretium facit, librorum  
 quondam meorum sententias collo-

cavi. Et tu quidem de tuis in commune bonum meritis vera quidem, sed, pro multitudine gestorum tibi, pauca dixisti. De obsectorum tibi vel honestate, vel falsitate, cunctis nota memorasti. De sceleribus fraudibusque delatorum rectè tu quidem strictim attingendum putasti, quòd ea meliùs uberiùsque recognoscentis omnia vulgi ore celebrentur. Increpuisti etiam vehementer injusti factum Senatùs: de nostrâ etiam criminatione doluisti, læsæque opinionis damna fleuisti. Postremus adversum fortunam dolor incanduit, conquestusque es non æqua meritis præmia pensari. In extremo Musæ sævientis, uti quæ cœlum, terras quoque pax regeret,

vota posuisti. Sed quoniam plurimus affectuum tibi tumultus incubuit, diversumque te dolor, ira, mœror distrahunt, uti nunc mentis es, nondum validiora te remedia contingunt. Itaque lenioribus paulisper utemur, ut quæ in tumorem perturbationibus influentibus obduruerunt, ad acrioris vim medicaminis recipiendam tactu blandiore mollescant.

CUM Phœbi radiis grave  
 Canceri fidus inæstuat,  
 Tùm qui larga negantibus  
 Sulcis semina credidit,  
 Elusus Cereris fide  
 Quernas pergat ad arbores.  
 Nunquam purpureum nemus  
 Lecturus violas petas,  
 Cùm sævis Aquilonibus  
 Stridens campus inhorruit:  
 Nec quæras avidâ manu  
 Vernos stringere palmites,  
 Uvis si lubeat frui:

Autumno potiùs sua  
Bacchus munera contulit.  
Signat tempora propriis  
Aptans officiis Deus ;  
Nec , quas ipse coercuit ,  
Misceri patitur vices.  
Sic quod præcipiti viâ  
Certum deferit ordinem ,  
Lætos non habet exitus.

PRIMUM igitur paterisne me pauculis rogationibus tuæ statum mentis attingere atque tentare , ut qui tuæ sit modus curationis intelligam. Tu verò arbitrato , inquam , tuo quæ voles ut responsurum rogato. Tùm illa : huncce , inquit , mundum temerariis agi fortuitisque casibus putas ? An ullum credis ei regimen inesse rationis ? Atqui nullo , inquam , existimaverim modo ut fortuitâ temeritate tam certa movean-

tur. Verùm operi suo conditorem Deum præsidere scio, nec ulla fuerit unquam dies quæ me ab hac sententiæ veritate depellat. Ita est, inquit. Nam id etiam paulò antè cecinisti, hominesque tantùm divinæ exsortes curæ doluisti. De cæteris autem, quin ratione regerentur, nihil movebare. Papæ itaque vehementer admiror cur, in tam salubri sententiâ locatus, ægrotes. Verùm altiùs perscrutemur. Nescio quid abesse conjecto. Sed dic mihi: Quoniam à Deo mundum regi non ambigis, quibus etiam gubernaculis regatur advertis? Vix, inquam, rogationis tuæ sententiam nōsto, nedùm ad inquisita respondere queam. Num me, inquit, abesse fefellit ali-



quid per quod, velut hiantē valli robore, tuum in animum perturbationum morbus irrepserit? Sed dic mihi: Meministine quis rerum sit finis? Quòve Naturæ totius tendat intentio? Audieram, inquam; Deumque esse respondi. Et quî fieri potest ut, principio cognito, quis rerum sit finis ignores? Verùm hi sunt perturbationum mores, ea valentia, ut hominem movere quidem loco possint, convellere autem sibi que totum exstirpare non possint. Sed hoc quoque respondeas velim. Hominemne te esse meministi? Quidni, inquam; meminerim? Quid igitur homo sit poteris-ne proferre? Hocceine interrogas, an esse me sciam rationale animal atque mortale? Scio, & id me

esse confiteor. Et illa : Nihilne te aliud esse novisti ? Nihil. Jam scio, inquit, aliam morbi tui vel maximam causam : quid ipse sis nosse desisti. Quare plenissime vel ægritudinis tuæ rationem, vel aditum reconciliandæ sospitatis inveni. Quoniam enim tui oblivione confunderis, & exulem te, & propriis exspoliatum bonis esse doluisti. Quòd autem quis rerum sit finis ignoras, nequam homines, atque nefarios, potentes felicesque arbitraris. Quin etiam quibus gubernaculis mundus regatur oblitus, has fortunatarum vices sine rectore existimas fluitare. Magnæ quidem non ad morbum modò, verum ad interitum quoque causæ. Sed sospitatis auctori grates, quòd totum

te natura nondum destituit. Habemus maximum tuæ fomitem salutis, veram de mundi gubernatione sententiam, quod eam non casuum temeritati, sed divinæ subditam rationi credis. Nihil igitur extimescas. Jam tibi ex hac minimâ scintillulâ calor vitalis illuxerit. Sed quoniam firmioribus uti remediis nondum tempus est, & eam mentium constat esse naturam, ut, quoties abjecerint veras, falsis opinionibus induantur, ex quibus orta perturbationum caligo verum illum confundit intuitum; lenibus hanc mediocribusque fomentis paulisper attenuare tentabo, ut, dimotis fallacium affectionum tenebris, splendorem veræ lucis possis agnoscere.

Nabibus

NUBIBUS attris  
 Condita nullum  
 Fundere possunt  
 Sidera lumen.  
 Si mare volvens  
 Turbidus Auster  
 Misceat æstum,  
 Vitrea dudum  
 Parque serenis  
 Unda diebus,  
 Mox resoluta  
 Sordida cœno  
 Visibus obstat:  
 Quique vagatur  
 Montibus altis  
 Defluens amnis,

Sæpè resistit  
 Rupe soluti  
 Objice saxi.  
 Tu quoque si vis  
 Lumine claro  
 Cernere verum, &  
 Tramite recto  
 Carpere callem;  
 Gaudia pelle,  
 Pelle timorem,  
 Spemque fugato,  
 Nec dolor adsit.  
 Nubila mens est  
 Vincæque frenis,  
 Hæc ubi regnant.

---

## LIBER SECUNDUS.

POST hæc paulisper obticuit: at-  
 que ubi attentionem meam modestâ  
 taciturnitate collegit, sic exorsa est.  
 Si penitus ægritudinis tuæ causas ha-  
 bitumque cognovi, fortunæ prioris

affectu desiderioque tabescis; ea tantum animi tui statum, sicuti tu tibi fingis; mutata pervertit. Intellego multiformes illius prodigii fucos, & eò usque cum iis, quos eludere nititur, blandissimam familiaritatem, dum intolerabili dolore confundat quos insperata reliquerit. Cujus si naturam, mores, ac meritum reminiscere, nec in eâ pulchrum aliquid habuisse te, nec amisisse cognosces. Sed, ut arbitror, haud multum tibi hæc in memoriam revocare laboraverim. Solebas enim præsentem quoque blandientemque virilibus incessere verbis, eamque de nostro prolatis adyto insectari sententiis. Verum subita omnis rerum mutatio non sine quodam quasi

conflictu contingit animorum. Sic factum est ut tu quoque paulisper à tuâ tranquillitate discefferis. Sed tempus est haurire te aliquid ac degustare molle atque jucundum, quod ad interiora transmissum validioribus viam haustibus fecerit. Adsit igitur Rhetoricæ suadela dulcedinis, quæ tunc recto tantum calle procedit, cum nostra instituta non deserit; cumque hæc Musica laris nostri vernula nunc leviores, nunc graviores modos succinat.

Quid est igitur, ô homo, quod te in mœstitiam luctumque dejecit? Novum, credo, aliquid inusitatumque vidisti. Tu-ne fortunam ergà te putas esse mutatam? Erras. Hi semper ejus sunt mores, ea natura. Ser-

vavit ergà te propriam potiùs in ipsâ  
sui mobilitate constantiam. Talis e-  
rat cùm blandiebatur, cùm tibi falsæ  
felicitatis illecebris alluderet. Depre-  
hendisti cæci numinis ambiguos vul-  
rus. Quæ sese adhuc velat aliis, tota  
tibi prorsus innotuit. Si probas, utere  
moribus, ne queraris. Si perfidam  
perhorrescis, sperne atque abjice  
perniciosa ludentem. Nam quæ nunc  
mœroris tibi causa tanti est, hæc  
eadem debuisset esse tranquillitatis.  
Reliquit enim te, quam non relictu-  
ram nemo unquam poterit esse secu-  
rus. An verò pretiosam æstimas abi-  
turam felicitatem? Et chara tibi est  
fortuna præsens, nec manendi fida,  
&, cùm discesserit, allatura mœro-  
rem? Quòd si neque ex arbitrio re-

tineri potest, & calamitosos fugiens  
 facit, quid est aliud fugax, quàm  
 futuræ quoddam calamitatis indi-  
 cium? Neque enim quod ante ocu-  
 los situm est suffecerit intueri. Re-  
 rum exitus Prudentia meretur, ea-  
 demque in alterutro mutabilitas nec  
 formidandas fortunæ minas, nec  
 exoptandas facit esse blanditias. Pos-  
 tremum æquo tolere oportet animo  
 quidquid intrâ fortunæ arcem geri-  
 tur, cum semel iugo ejus colla sub-  
 miseris. Quòd si manendi abeundi-  
 que legem scribere velis ei quam  
 sponte tuâ Dominam elegisti, nonne  
 injurius fueris, & impatientiâ sor-  
 tem exacerbes quam permutare non  
 possis? Si ventis vela committeres,  
 non quò voluntas peteret, sed quò



flatus impellerent, promovereris. Si arvis semina crederes, feraces inter se annos sterilesque pensares. Fortunæ te regendum dedisti, Dominæ moribus oportet obtemperes. Tu verò volventis rotæ impetum retinere conaris? At, omnium stolidissime mortalium, si manere incipit, fors esse desistit.

Hæc cùm superbâ verterit vices dextrâ,  
Exæstuantis more fertur Euripi.  
Dudùm tremendos sæva proterit Reges,  
Humilemque victi sublevat fallax vultum.  
Non illa miseros audit, haud curat fletus;  
Ultròque gemitus, dura quos fecit, ridet.  
Sic illa ludit, sic suas probat vires;  
Suique magnum monstrat ostentum, si quis  
Visatur unâ stratus ac felix horâ.

VELLEM autem pauca tecum Fortunæ ipsius verbis agitare. Tu igitur an jus postulet animadvertere. Quid

tu , ô homo , ream me quotidianis agis querelis ? Quam tibi fecimus injuriam ? Quæ tua tibi detraximus bona ? Quovis judice de opum dignitatumque mecum possessione contendere ; & si cujusquam mortalium proprium quid horum esse monstaveris , ego jam tua fuisse quæ repetis sponte concedam. Cum te matris ex utero natura produxit , rebus nudum omnibus inopemque suscepi , meis opibus fovi , & quod te nunc impatientem nostri facit , favore prona indulgentiùs educavi , ac omnium quæ mei sunt juris affluentia & splendore circumdedi. Nunc mihi retrahere manum libet : habe gratias velut usus alienis. Non habes jus querelæ , tanquam tua prorsus per-

dideris. Quid ergò ingemiscis? Nulla tibi à nobis illata violentia est. Opes, honores, cæteraque talia mei sunt juris. Dominam famulæ cognoscunt; mecum veniunt, me abeunte discedunt. Audacter affirmem, si tua forent quæ amissa conquereris, nullo modo perdidisses. An ego sola jus meum exercere prohibeor? Licet cœlo proferre lucidos dies, eisdemque tenebrosis noctibus condere. Licet anno nunc terræ vultum floribus frugibusque redimire, nunc nimbis frigoribusque confundere. Jus est mari nunc strato æquore blandiri, nunc procellis ac fluctibus inhorrescere. Nos ad constantiam nostris moribus alienam inexplata hominum cupiditas alligabit? Hæc nostra vis

est. Hunc continuum ludum ludi-  
mus. Rotam volubili orbe versamus;  
infima summis, summa infimis mu-  
tare gaudemus. Adscende, si placet;  
sed eâ lege ut ne, cùm ludicri mei  
ratio poscet, descendere injuriam  
putes. An tu mores ignorabas meos?  
Nesciebas Crœsum, Lydortum re-  
gem, Cyro paulò antè formidabi-  
lem, mox deindè miserandum, rogi  
flammis traditum missò cœlitùs im-  
bre defensum? Nùm te præterit Pau-  
lum Perses regis à se capti calamita-  
tibus pias impendisse lacrymas? Quid  
tragædiarum clamor aliud deflet, nisi  
indiscreto ictu fortunam felicia re-  
gna vertentem? Nonne adolescen-  
tulus *ὁὖο πίθυς, τὸν μὲν ἵνα κακῶν,*  
*τὸν δὲ ἑταίρον καλῶν,* in Jovis limine ja-

cere didicisti? Quid, si uberius de bonorum parte sumpſisti? Quid, si à te non tota disceſſi? Quid, si hæc ipsa mei mutabilitas iusta tibi causa est sperandi meliora? Attamen ne animo contabescas, & intrà commune omnibus regnum locatus proprio jure vivere desideres.

Si, quantas rapidis flatibus incitus

Pontus versat arenas;

Aut quot stelliferis edita noctibus

Cœlo sidera fulgent;

Tantas fundat opes, nec retrahat manum

Pleno Copia cornu:

Humanum miseras haud idèd genus

Cesset flere querelas.

Quamvis vota libens excipiat Deus

Multi prodigus auri,

Et claris avidos ornet honoribus;

Nil jam parta videntur:

Sed, quæſita vorans, sæva rapacitas

Altos pandit hiatus.

Quæ jam præcipitem fræna cupidine

Certo sine retentent,

Largis cùm potiùs muneribus fluens

Vis ardescit habendi?

Nunquam dives agit, qui trepidus, gemens,

Sese credit egentem.

HIS igitur si pro se tecum verbis  
Fortuna loqueretur, quid profectò  
contrà hisceres non haberes. At si  
quid est quo querelam tuam jure  
tuearis, proferas oportet; dabimus  
dicendi locum. Tùm ego: Speciosa  
quidem ista sunt, inquam, oblita-  
que Rhetoricæ ac Musicæ melle dul-  
cedinis: tùm tantùm, cùm audiun-  
tur, oblectant. Sed miseris malorum  
altior sensus est. Itaque cùm hæc au-  
ribus insonare desierint, infusus ani-  
mum mœror prægravat. Et illa; ita  
est, inquit. Hæc enim nondùm mor-  
bi tui remedia, sed adhuc contuma-  
cis adversus curationem doloris fo-

menta quædam sunt. Nam quæ in profundum sese penetrent, cùm tempestivum fuerit, admovebo. Verumtamen, ne te miserum existimari velis, an numerum modumque tuæ felicitatis oblitus es? Taceo quòd desolatum parente summorum te virorum cura suscepit, delectusque in affinitatem Principum civitatis, quod pretiosissimum propinquitatis genus est, prius carus quàm proximus esse cepisti. Quis non te felicissimum cùm tanto splendore socerorum, cùm conjugis pudore, tùm masculæ quoque prolis opportunitate prædicavit? Prætereo, libet enim præterire communia, sumtas in adolescentiâ negatas senibus dignitates; ad singularem felicitatis tuæ cumulum venire delectat.

delectat. Si quis rerum mortalium fructus ullum beatitudinis pondus habet, poteritne illius memoria lucis quantâlibet ingruentium malorum mole deleri? Cùm duos pariter Consules liberos tuos domo provehi sub frequentia Patrum, sub Plebis alacritate vidisti: cùm, eisdem in Curia curules insidentibus, tu regia laudis orator ingenii gloriam facundiaque meruisti: cùm in Circo duorum medius Consulum circumfusæ multitudinis expectationem triumphali largitione satiaisti. Dedisti, ut opinor, verba fortunæ dùm te illa demulcet, dùm te suas ut delicias foveret. Munus, quod nulli unquam privato commodaverat, abstulisti. Visne igitur cum fortunâ calculum ponere?



Nunc te primùm liventi oculo perstrinxit. Si numerum modumque lætorum tristiumve consideres, adhuc te felicem negare non possis. Quòd si idcirco te fortunatum esse non existimas, quoniam quæ tunc læta videbantur abierunt; non est quòd te miserum putes, quoniam quæ nunc mœsta reputantur prætereunt. An tu in hanc vitæ scenam subitus hospesque venisti? Ullam-ne rebus humanis inesse reris constantiam, cum ipsùm sæpè hominem velox hora dissolvat? Nam etsi rara fortuitis est manendi fides, ultimus tamen vitæ dies mors quædam fortunæ est etiam manentis. Quid igitur referre putas? Tu-ne illam moriendo desciras, an illa te fugiendo?

DE CONSOL. PHIL. LIB. II. 51

CUM polo Phœbus roseis quadrigis  
Lucem spargere cœperit,  
Pallet albescentes hebetata vultus  
Flammis stella prementibus.  
Cum nemo flatu Zephyri tepentis  
Vernis inrubit rosis,  
Spiet insanum nebulosus Auster,  
Jam spinis abeat decus.  
Sæpè tranquillo radiat sereno  
Immotis mare fluctibus;  
Sæpè ferventes Aquilo procellas  
Verso concitat æquore.  
Rara si constat sua forma mundo,  
Si tantas variat vices;  
Crede fortunis hominum caducis,  
Bonis crede fugacibus.  
Constat, æternâ positumque lege est,  
Ut constet genitum nihil.

TUM ego : Vera , inquam , commemoras , ô virtutum omnium nutritrix ; nec inficiari possum prosperitatis meæ velocissimum cursum. Sed hoc est quod recolentem vehementius coquit. Nam in omni adversitate

fortunæ infelicissimum genus est infortunii fuisse felicem. Sed quod tu, inquit, falsæ opinionis supplicium luis, id rebus jure imputare non possis. Nam si te hoc inane nomen fortunæ felicitatis movet, quàm plurimis maximisque abundas mecum reputes. Itaque si, quod in omni fortunæ tuæ censu pretiosissimum possidebas, id tibi divinitus illæsum adhuc inviolatumque servatur, poteris-ne meliora quæque retinens de infortunio jure causari? Atqui viget incolumis, pretiosissimum illud generis humani decus, Symmachus socer; & quod vitæ pretio non seignis emerēs, vir totus ex sapientiâ virtutibusque factus, suarum securus tuis ingemiscit injuriis. Vivit

uxor ingenio modesta , pudicitiae  
 laude præcellens , & , ut omnes ejus  
 dotes breviter includam , patri simi-  
 lis. Vivit , inquam , tibi que tantum  
 vitæ hujus exosa spiritum servat ,  
 quoque uno felicitatem minui tuam  
 vel ipsa concesserim , tui desiderio  
 lacrymis ac dolore tabescit. Quid  
 dicam liberos consulares quorum  
 jam , ut in id ætatis pueris , vel pa-  
 terni vel aviti specimen elucet inge-  
 nii ? Cum igitur præcipua sit morta-  
 libus vitæ cura retinendæ , ô te , si  
 bona tua cognoscas , felicem ! cui  
 suppetunt etiam nunc quæ vitâ ne-  
 mo dubitat esse cariora. Quare sicca  
 jam lacrymas. Nondum est ad unum  
 vos omnes exosa fortuna , nec tibi  
 nimium valida tempestas incubuit ,

quandò tenaces hærent anchoræ quæ  
nec præsentis solamen , nec futuri  
spem temporis abesse patiantur. Et  
hæreant , inquam , precor : illis nam-  
que manentibus , utcunque se res  
habeant , enatabimus. Sed quantum  
ornamentis nostris decus decesserit  
vides. Et illa : Promovimus , inquit ,  
aliquantum , si te nondum totius tuæ  
sortis piget. Sed delicias ferre tuas  
non possum , qui beatitudini tuæ ali-  
quid abesse tam luctuosus atque an-  
xius conqueraris. Quis est enim tam  
compositæ felicitatis , ut non aliquâ  
ex parte cum statûs sui conditione  
rixetur ? Anxia enim res est huma-  
norum conditio bonorum , & quæ  
vel nunquam tota proveniat , vel  
nunquam perpetua subsistat. Huic

census exuberat , sed est pudori degener sanguis. Hunc notum facit nobilitas , sed angustia rei familiaris inclusus esse malit ignotus. Ille utroque circumfluus cælibem vitam deflet. Ille nuptiis felix , orbus liberis alieno censum nutrit hæredi. Alius prole lætatus , filii filiaevæ delictis mœstus illacrymat. Idcirco nemo facile cum fortunæ suæ conditione concordat. Inest enim singulis quod inexpertus ignoret , expertus exhorreat. Adde quòd felicissimi cujusque delicatissimus sensus est , & , nisi ad nutum cuncta suppetant , omnis adversitatis insolens minimis quibusque prosternitur : adeò perexigua sunt quæ fortunatissimis beatitudinis summam detrahunt. Quàm multos

esse conjectas qui cœlo sese proximos arbitrentur, si de fortunæ tuæ reliquiis pars eis minima contingat ? Hic ipse locus, quem tu exilium vocas, incolentibus patria est. Adeo miserum nihil est, nisi cum putes : contraque beata fors omnis est æquanimitate tolerantis. Quis est ille tam felix, qui, cum dederit impatientiæ manus, statum suum mutare non oportet ? Quàm multis amaritudinibus humanæ felicitatis dulcedo respersa est ! Quæ si etiam fruenti jucunda esse videatur, tamen quominus, cum velit, abeat retineri non potest. Liquet igitur quàm sit mortalium rerum misera beatitudo, quæ nec apud æquanimos perpetua perdurat, nec anxios tota delectat. Quid igitur, ô

mortales , extrà petitis intrà vos positam felicitatem ? Error vos inscitiaque confundit. Ostendam breviter tibi summæ cardinem felicitatis. Estne aliquid tibi te ipso pretiosius ? Nihil , inquires. Si tui compos ergò fueris , possidebis quod nec tu amittere unquam velis , nec fortuna possit auferre : atque ut agnoscas in his fortuitis rebus beatitudinem constare non posse , sic collige. Si beatitudo summum naturæ bonum est ratione degentis , nec illud est summum bonum , quod eripi ullo modo potest , quoniam præcellit id quod nequeat auferri : manifestum est quòd ad beatitudinem percipiendam fortunæ instabilitas aspirare non possit. Ad hæc quem caduca ista felicitas ve-



hit, vel scit eam vel nescit esse mutabilem. Si nescit, quænam beata fors esse potest in ignorantia cæcitate? Si verò scit, metuat necesse est ne amittat quod amitti posse non dubitat; quare continuus timor non finit esse felicem. An, vel si amiserit, negligendum putat? Sic quoque perexile bonum est, quod æquo animo feratur amissum. Et quoniam tu idem es, cui persuasum atque insitum per multis demonstrationibus scio mentes hominum nullo modo esse mortales; cùmque certum sit fortuitam corporis felicitatem mortè finire, dubitari nequit, si hæc auferre beatitudinem potest, quin omne mortalium genus in miseriam mortis sine labatur. Quòd si multos scimus

non morte solum , verum etiam doloribus suppliciiisque beatitudinis fructum quæsisse , quonam modo præsens hæc vita facere beatos potest , quæ miseros transacta non efficit ?

QUISQUIS volet perennem  
Cantus ponere sedem  
Stabilisque , nec sonori  
Sterni flatibus Euri ,  
Et fluctibus minantem  
Curat spernere Pontum :  
Montis cacumen alti , &  
Bibulas vitet arenas.  
Illud protervus Auster  
Totis viribus urget :  
Hæ pendulum solutæ  
Pondus ferre recusant.  
Fugiens periculosam  
Sortem sedis amœnæ ,  
Humili domum memento  
Certus figere saxo.  
Quamvis tonet ruinis  
Miscens æquora ventus ;  
Tu conditus , quieti

Felix robore valli,  
Duces serenus ævum  
Ridens ætheris iras.

SED quoniam rationum jam in te  
mearum fomenta descendunt, paulò  
validioribus utendum puto. Age e-  
nim, si caduca & momentanea for-  
tunæ bona non essent, quid in eis  
est quod aut vestrum unquam fieri  
queat, aut non perspectum confide-  
ratumque vilescat? Divitiæ-ne vestri  
vel sui naturâ pretiosæ sunt? Quid  
earum potius? Aurum-ne, an vis con-  
gestæ pecuniæ? Atqui effundendo  
magis, quàm coacervando, meliùs  
nitent; si quidem semper odiosos  
avaritia, claros largitas facit. Quòd  
si manere apud quemquam non po-  
test quod transfertur in alterum,  
tunc est pretiosa pecunia, cùm trans-  
lata

lata in alios largiendi usu definit possideri. At eadem si apud unum, quanta est ubique gentium, congeratur, ceteros sui inopes fecerit. Et vox quidem tota multorum replet pariter auditum: vestrae verò divitiæ, nisi comminutæ, in plures transire non possunt. Quod cum factum est, pauperes necesse est faciant quos relinquunt. O angustas igitur inopesque divitias, quas nec habere totas pluribus licet, & ad quemlibet sine cæterorum paupertate non veniunt! An gemmarum fulgor oculos trahit? Sed si quid est in hoc splendore præcipui, gemmarum est lux illa, non hominum: quas quidem mirari homines vehementer admiror. Quid est enim carens animæ motu membro-

rumque compage, quod animatæ rationabilique naturæ pulchrum esse jure videatur? Quæ tametsi conditoris operâ sui que distinctione postremæ aliquid pulchritudinis trahunt, infra vestram tamen excellentiam collocatæ admirationem vestram nullo modo merebantur. An vos agrorum pulchritudo delectat? Quidam? Est enim pulcherrimi operis pulchra portio. Sic fereni quondam maris facie gaudemus: sic cœlum, sidera, Solem Lunamque miramur. Nùm te horum aliquid attingit? Nùm audes alicujus talium splendore gloriari? An vernis floribus ipse distingueris, aut tua in æstivos fructus intumescit ubertas? Quid inanibus gaudiis raperis? Quid externa bona pro tuis

amplexaris? Nunquam tua facies  
 esse fortuna, quæ à te natura rerum  
 fecit aliena. Terrarum quidem fruc-  
 tus animantium procul dubio debentur  
 alimentis. Sed si, quod naturæ  
 fatis est, replere indigentiam velis,  
 nihil est quod fortunæ affluentiam  
 petas. Paucis enim minimisque na-  
 tura contenta est; cuius satietatem  
 si superfluis urgere velis, aut inju-  
 cundum, quod infuderis, fiet, aut  
 noxium. Jam verò pulchrum variis  
 fulgere vestibus putas? Quarum si  
 grata intuitu species est, aut materiæ  
 naturam, aut ingenium mirabor ar-  
 tificis. An verò longus ordo famulo-  
 rum facit esse felicem? Qui si vitiosi  
 sint moribus, perniciosâ domûs sar-  
 cina, & ipsi domino vehementer ini-

- mica : sin verò probi , quonam modo in tuis opibus aliena probitas numerabitur ? Ex quibus omnibus nihil horum, quæ in tuis computas bonis, tuum esse bonum liquidò monstratur. Quibus si nihil inest appetendæ pulcritudinis , quid est quòd vel amissis doleas , vel læteris retentis ? Quòd si naturâ pulchra sunt , quid id tuâ refert ? Nam hæc per se à tuis quoque opibus sequestrata placuissent. Neque enim idcirco sunt pretiosa , quòd in tuas venere divitias : sed quoniam pretiosa videbantur , tuis ea divitiis annumerare voluisti. Quid autem tanto fortunæ strepitu desideratis ? Fugare , credo , indigentiam copiâ quæritis. At hoc vobis in contrarium cedit. Pluribus

quippe adminiculis opus est ad tuendam pretiosæ suppellectilis varietatem : verumque illud est, permultis  
 • eos indigere qui multa possident, contraque minimo qui abundantiam suam naturæ necessitate, non ambritus superfluitate metiantur. Ita-ne autem nullum est proprium vobis atque insitum bonum, ut in externis ac sepositis rebus bona vestra queratis ? Sic rerum versa conditio est, ut divinum merito rationis animal non aliter sibi splendere, nisi inanimatæ suppellectilis possessione, videatur ? Et alia quidem suis contenta sunt : vos autem Deo mente confimiles ab rebus infimis excellentis naturæ ornamenta captatis, nec intelligitis quantam conditori vestro faciatis



injuriam. Ille genus humanum terrenis omnibus præstare voluit : vos dignitatem vestram infra infima quæque detruditis. Nam si omne cujusque bonum eo cujus est constat esse pretiosius , cum vilissima rerum vestra esse bona judicatis , eisdem vosmetipsos vestrâ æstimatione submittitis. Quod quidem haud immeritò cadit : humanæ quippè naturæ ista conditio est , ut tum tantum cæteris rebus , eum se cognoscit , excellat ; eadem tamen infra bestias redigatur , si se nosse desierit. Nam cæteris animalibus sese ignorare natura est , hominibus verò vitio venit. Quàm verò latè vester hic error patet , qui ornari posse aliquid ornamentis existimatis alienis ! At id fieri nequit.

Nam si quid ex apposisis luceat, ipsa quidem quæ sunt apposita laudantur : illud verò tectum his atque velatum in suâ nihilominus fœditate perdurat. Ego verò illud esse bonum nego, quod habenti noceat. Numquid mentior ? Minimè, inquires. Atqui divitiæ possidentibus persæpè nocuerunt, cum pessimus quisque, eoque alieni magis avidus, quidquid usquam auri gemmarumque est, se solum, qui habeat, dignissimum putat. Tu igitur qui nunc contum gladiumque sollicitus pertimescis, si vitæ hujus callem vacuus viator intrasses, coram latrone securus cantares. O præclaram opum mortalium beatitudinem, quam cum fueris adeptus, securus esse desistis !

FELIX nimiùm prior ætas  
Contenta fidelibus arvis,  
Nec inertì perdita luxu;  
Facili quæ sera solebat  
Jejunia solvere glande.  
Non Bacchica munera norant  
Liquido confundere melle,  
Nec lucida vellera Serum.  
Tyrio miscere veneno.  
Somnos dabat herba salubres,  
Potum quoque lubricus amnis,  
Umbras altissima Pinus.  
Nondùm maris alta secabat,  
Nec mercibus undique lectis  
Nova littora viderat hospes.  
Tunc classica sæva tacebant,  
Odiis neque fusus acerbis  
Cruor horrida tinxerat arma.  
Quid enim furor hosticus ulla  
Vellet prior arma movere,  
Cùm vulnera sæva viderent  
Nec præmia sanguinis ulla?  
Utinam modò nostra redirent  
In mores tempora prisca!  
Sed sævior ignibus Æternæ  
Fervens amor ardet habendi.  
Hei! primus quis fuit ille.

Auri qui pondera tecti  
 Gemmasque latere volentes,  
 Pretiosa pericula, fodit?

QUID autem de dignitatibus potentiâque differam, quas veræ dignitatis ac potestatis inscii cœlo exa-  
 quatis? Quæ si in improbissimum quemque ceciderint, quæ flammis Ætna cructantibus, quod diluvium tantas strages dederit? Certè, uti meminisse te arbitror, Consulare imperium, quod libertatis principium fuerat, ob superbiam Consulum vestri veteres abolere cupierunt; qui ob eandem superbiam regium prius de civitate nomen abstulerant. At si quandò, quod perrarum est, probis honores deferantur, quid in eis aliud quàm probitas utentium placet? Ita sit ut non virtutibus ex dignitate, sed

ex virtute dignitatibus honor accedat. Quæ verò est ista vestra expetibilis ac præclara potentia ? Nonne , ô terrena animalia , consideratis quibus præsidere videamini ? Nam si inter mures unum aliquem jus sibi ac potestatem præ cæteris vindicantem videres , quanto movereris cachinno ! Quid verò , si corpus spectes , imbecillius homine reperire queas , quem sæpè muscularum quoque vel morsus , vel in secreta quæque reptantium necat introitus ? Quò verò quisquam jus aliquod in quempiam , nisi in solum corpus & quod infra corpus est , fortunam loquor , possit exercere ? Nùmquid libero unquam imperabis animo ? Nùm mentem firmâ sibi ratione cohærentem

de statu propriæ quietis amovebis ?  
 Cùm liberum quemdam virum suppliciis se Tyrannus adacturum putaret, ut adversùm se factæ conjurationis socios proderet, linguam ille momordit atque abscidit, & in os Tyranni sævientis abjecit : ita cruciatus, quos putabat Tyrannus materiam crudelitatis, vir sapiens fecit esse virtutis. Quid autem est quod in alium facere quisquam possit, quod ipse ab alio non possit sustinere ? Busiridem accepimus, hospites necare solitum, ab Hercule hospite fuisse mactatum. Regulus plures Pœnorum captos in vincula conjecerat : sed mox ipse victorum catenis manus præbuit. Ullam-ne igitur hominis esse potentiam putas, qui, quod ipse in

alio potest, ne id in se alter valeat efficere non possit? Ad hæc, si ipsis dignitatibus ac potestatibus inesset aliquid naturalis ac proprii boni, nunquam pessimis provenirent. Neque enim sibi solent adversa sociari. Natura respuit ut contraria quæque jungantur. Ita cum pessimos plerumque dignitatibus fungi non dubium sit, illud etiam liquet naturâ sui bona non esse, quæ se pessimis hære patiuntur. Quod quidem de cunctis fortunæ muneribus dignius existimari potest, quæ ad improbissimum quemque uberiora proveniunt.. De quibus illud etiam considerandum puto, quòd nemo dubitat esse fortem cui fortitudinem inesse confpexerit; & cuicumque velocitas adest,

adeſt, manifeſtum eſt eſſe velocem. Sic Muſica quidem muſicos, Medicina medicos, Rhetorica rhetores facit. Agit enim cuiuſque rei natura quod proprium eſt, nec contrariarum rerum miſcetur effectibus, ſed ultrò quæ ſunt adverſa depellit. Atqui nec opes inexpletam reſtinguere avaritiam queunt : nec potestas compoſtem ſuū fecerit quem vitioſæ libidines inſolubilibus adſtrictum retinent catenis : & collata improbis dignitas non modò non efficit dignos, ſed prodit potiùs & oſtentat indignos. Cur ita provenit ? Gaudetis enim aliter ſeſe res habentes falſis compellare nominibus, quæ facilè ipſarum rerum redarguuntur effectū : quare nec illæ divitiæ, nec illa potentia,



neque hæc dignitas jure appellari potest. Postremò idem de totâ concludere fortunâ licet , in quâ nihil expetendum , nihil nativæ bonitatis inesse manifestum est : quæ nec se bonis semper adjungit , & bonos , quibus fuerit adjuncta , non efficit.

NOVIMUS quantas dederit ruinas,  
Urbe flammata Patribusque cæsis,  
Fratre qui quondam ferus interempto  
Marris effuso maduit cruore;  
Corpus & visu gelidum pererrans  
Ora non tinxit lacrymis , sed esse  
Censor extincti potuit decoris.  
Hic tamen sceptro populos regebat  
Quos videt condens radios sub undas  
Phœbus , extremo veniens ab ortu :  
Quos premunt septem gelidi Triones;  
Quos Notus sicco violentus æstu  
Torret , ardentes recoquens arenas.  
Celsa nûm tandem valuit potestas  
Vertere insani rabiem Neronis ?  
Heu ! gravem sortem ; quoties iniquus  
Additur sævo gladius veneno.

TUM ego : Scis , inquam , ipsa  
 minimum nobis ambitionem mortali-  
 um rerum fuisse dominatam : sed  
 materiam gerendis rebus optavimus ,  
 quò ne virtus tacita consenesceret.  
 Et illa : Atqui hoc unum est quod  
 præstantes quidem naturâ mentes ,  
 sed nondùm ad extremam manum  
 virtutum perfectione perductas alli-  
 cere possit , gloriæ scilicet cupido ,  
 & optimorum in rempublicam fama  
 meritorum : quæ quàm sit exilis &  
 totius vacua ponderis , sic considera .  
 Omnem terræ ambitum , sicuti astro-  
 logicis demonstrationibus accepisti ,  
 ad cœli spatium puncti constat ob-  
 tinere rationem ; id est , ut , si ad  
 cœlestis globi magnitudinem con-  
 feratur , nihil spatii prorsus habere

judicetur. Hujus igitur tam exiguæ in mundo regionis quarta ferè portio est , sicuti Ptolemæo probante didicisti , quæ à cognitis nobis animantibus incolatur. Huic quartæ si quantum maria paludesque premunt, quantumque siti vasta regio distenditur , cogitatione subtraxeris , vix angustissima inhabitandi hominibus area relinquetur. In hoc igitur minimo puncti quodam puncto circumsepti atque conclusi de pervulgandâ famâ proferendoque nomine cogitaris ? At quid habet amplum magnificumque gloria tam angustis exiguisque limitibus arctata ? Adde quòd hoc brevis habitaculi septum plures incolunt nationes linguâ , moribus , cœtus vitæ ratione distantes , ad quas

tum difficultate itinerum , tum lo-  
 quendi diversitate , tum commercii  
 insolentiâ , non modò hominum sin-  
 gulorum , sed ne urbium quidem fa-  
 ma queat pervenire. Ætate denique  
 M. Tullii , sicut ipse quodam loco  
 significat , nondum Caucasum mon-  
 tem Romanæ reipublicæ fama trans-  
 cenderat ; & erat tunc adulta , Par-  
 this etiam cæterisque id locorum gen-  
 tibus formidolosa. Vides-ne igitur  
 quàm sit angusta , quàm compressa  
 gloria , quam propagare ac dilatare  
 laboratis ? An ubi Romani nominis  
 transire fama nequit , Romani homi-  
 nis gloria progredietur ? Quid , quòd  
 diversarum gentium mores inter se  
 atque instituta discordant , ut , quod  
 apud alios laude , apud alios suppli-

cio dignum judicetur? Quo fit ut, si quem famæ prædicatio delectet, huic in plurimos populos nomen proferre nullo modo conducat. Erit igitur pervagatâ inter suos gloriâ quisque contentus, & intrâ unius gentis terminos præclara illa famæ immortalitas coarctabitur. Sed quàm multos suis clarissimos temporibus viros scriptorum inops delevit oblivio! Quanquam quid ipsa scripta proficiunt, quæ cum suis authoribus premit longior atque obscura vetustas? Vos autem immortalitatem vobis propagare videmini, cum futuri famam temporis cogitatis. Quod si ad infinita æternitatis spatia pertractes, quid habes quòd de tui nominis diuturnitate lætèris? Unius etenim mora momenti,

si decem millibus conferatur annis , quoniam utrumque spatium definitum est , licet minimam , habet tamen aliquam portionem. At hic ipse numerus annorum , ejusque quantumlibet multiplex , ad interminabilem diuturnitatem ne comparari quidem potest. Etenim finitis ad se invicem fuerit quædam , infiniti verò atque finiti nulla unquam poterit esse collatio. Ita fit ut quantumlibet prolixi temporis fama , si cum inexhaustâ æternitate cogitetur , non parva sed planè nulla esse videatur. Vos autem nisi ad populares auras inanesque rumores rectè facere nescitis ; & , relictâ conscientiæ virtutisque præstantiâ , de alienis præmia sermunculis postularis. Accipe in hujus

modi arrogantiae levitate quàm festivè aliquis illuferit. Cùm quidam adortus esset hominem contumeliis , qui non ad veræ virtutis usum sed ad superbam gloriam falsum sibi Philosophi nomen induerat , adjecissetque jam se sciturum an ille philosophus esset , si quidem illatas injurias leniter patienterque tolerasset ; ille patientiam paulisper assumpsit , acceptâque contumeliâ velut insultans , *jam tandem* , inquit , *intelligis me esse philosophum ?* Tùm ille nimium mordaciter , *intellexeram* , inquit , *si tacuisses*. Quid autem est quod ad præcipuos viros , de his enim sermo est qui virtute gloriam petunt ; quid , inquam , est quod ad hos de famâ post resolutum morte supremâ cor-

pus attineat? Nam si, quod nostræ rationes credi vetant, toti moriuntur homines, nulla est omnino gloria; cum is, cujus ea esse dicitur, non exstet omnino. Sin verò sibi mens benè conscia, terreno carcere resoluta, cœlum libera petit; nonne terrenum omne negotium spernet, quæ cœlo fruens terrenis se gaudet exemptam?

• QVICUMQUE solam mente præcipiti petit.

• Summumque credit gloriam,

Latè patentès ætheris cernat plagas

Arctumque terrarum situm;

Brevem replere non valentis ambitum

Pudebit aucti nominis.

• Quid ô! superbi colla mortali jugo

Frustra levare gestiunt?

Licet remotos fama per populos means

Diffusa linguas explicet,

Et magna titulis fulgeat claris domus,

Mors spernit altam gloriam:

• Involvit humile pariter & celsum caput.



*æquatque summis infima.*

*Ubi nunc fidelis ossa Fabricii jacent ?*

*Quid Brutus, aut rigidus Cato ?*

*Signat superstes fama tenuis pauculis*

*Inane nomen litteris.*

*Sed quid decora novimus vocabula ?*

*Nùm scire consumptos datur ?*

*Jacetis ergò prorsus ignorabiles,*

*Nec fama notos efficit.*

*Quòd si putatis longiùs vitam trahi*

*Mortalis aurâ nominis:*

*Cùm sera vobis rapiet hoc etiam dies,*

*Jam vos fecunda mors manet.*

**S**ED ne me inexorabile contrà fortunam gerere bellum putes, est aliquando cùm de hominibus fallax illa non nihil benè mereatur; tùm scilicet cùm se aperit, cùm frontem detegit moresque profitetur. Non-dùm forte quid loquar intelligis. Mirum est quod dicere gestio, cò-que sententiam verbis explicare vix queo. Etenim plus hominibus ad-

versam reor , quàm prosperam ,  
 prodesse fortunam. Illa enim sem-  
 per specie felicitatis , cùm videtur  
 blanda , mentitur : hæc semper vera  
 est cùm se instabilem mutatione de-  
 monstrat. Illa fallit , hæc instruit : il-  
 la mendacium specie bonorum men-  
 tes fruentium ligat : hæc cognitione  
 fragilis felicitatis absolvit. Itaque il-  
 lam videas ventosam , fluentem , suū-  
 que semper ignaram : hanc sobriam  
 succinctamque , & ipsius adversita-  
 tis exercitatione prudentem. Postre-  
 mò felix à vero bono devios blandi-  
 tiis trahit ; adversa plerumque ad  
 vera bona reduces unco retrahit. An  
 hoc inter minima æstimandum putas,  
 quòd amicorum tibi fidelium men-  
 tes hæc aspera , hæc horribilis for-

tuna detexit; hæc tibi certos sodalium vultus ambiguosque secrevit; discedens suos abstulit, tuos reliquit? Quanti hoc integer &, uti videbaris tibi, fortunatus emisisses! Desine nunc amissas opes quærete; quod pretiosissimum divitiarum genus est, amicos invenisti.

Quod mundus stabili fide  
Concordes variat vices;  
Quod pugnantia semina  
Fœdus perpetuum tenent;  
Quod Phœbus roseum diem  
Curru provehit aureo,  
Ut, quas duxerit Hesperus,  
Phœbe noctibus imperet;  
Ut fluctus avidum mare  
Certo fine coerceat,  
Ne terris liceat vagis  
Latos tendere terminos:  
Hanc rerum seriem ligat  
Terras ac pelagus regens,  
Et cœlo imperitans Amor.  
Hic si fræna remiserit,

Quidquid

Quidquid nunc amat invicem  
Bellum continuò geret :  
Et, quam nunc sociâ fide  
Pulcris motibus incitant,  
Certent solvere machinam.  
Hic sancto populos quoque  
Junctos foedere continet :  
Hic & conjugii sacrum  
Castis nectit amoribus :  
Hic fidis etiam sua  
Dicat jura sodalibus.  
O felix hominum genus!  
Si vestros animos Amor,  
Quo cœlum regitur, regat.

*Explicit operis de Consolatione  
Philosophiæ pars prima.*

